

---

.. A no bhadrAH Suktam ..

॥ आ नो भद्राः सूक्तम् ॥

Document Information

---

Text title : A no bhadrAH sUktam

File name : AnobhadraA.itx

Category : sUkta

Location : doc\_veda

Language : Sanskrit

Subject : philosophy/hinduism/religion/veda

Transliterated by : Harissh Swaminathan hari.yajurveda at gmail.com

Proofread by : Harissh Swaminathan hari.yajurveda at gmail.com

Description-comments : Rigveda Mandala 1, Sukta 89

Latest update : June 26, 2011

Send corrections to : Sanskrit@cheerful.com

Site access : <http://sanskritdocuments.org>

---

This text is prepared by volunteers and is to be used for personal study and research. The file is not to be copied or reposted for promotion of any website or individuals or for commercial purpose without permission.

---

Please help to maintain respect for volunteer spirit.

---

August 12, 2016

*sanskritdocuments.org*

---

## ॥ आ नो भद्राः सूक्तम् ॥

आ नो॑ भ॒द्राः क्र॑तवो यन्तु वि॒श्वतोऽद॑ब्धासो अ॒परी॑तास उ॒द्भिदः॑ ।  
दे॒वा नो॑ यथा॒ सद॑मिद् वृ॒धे अ॒सन्न॑प्रा॒युवो॑ रक्षि॒तारो॑ दि॒वेदि॑वे ॥ १.०८९.०१  
दे॒वानां॑ भ॒द्रा सु॑मति॒र्ऋजू॑यतां दे॒वानां॑ रा॒तिर॑भि नो नि॒ वर्त॑ताम् ।  
दे॒वानां॑ स॒ख्यमु॑प सेदि॒मा व॒यं दे॒वा न॒ आयुः॑ प्र॒तिर॑न्तु जी॒वसे॑ ॥ १.०८९.०२  
ता॒न्पूर्व॑या नि॒विदा॑ हू॒महे॑ व॒यं भ॒गं मि॒त्रम॑दि॒तिं द॑क्ष॒मस्त्रि॑धम् ।  
अ॒र्य॑म॒णं व॑रु॒णं सो॑म॒मश्वि॑ना सर॒स्वती॑ नः सु॒भगा॑ म॒यस्कर॑त् ॥ १.०८९.०३  
तन्नो॑ वा॒तो म॒योभु॑वा॒तु भे॑ष॒जं त॒न्मा॒ता पृ॑थि॒वी त॒त्पि॒ता द्यौः ।  
तद् ग्रा॑वा॒णः सो॑म॒सुतो॑ म॒योभु॑वस्तदश्वि॒ना शृ॑णु॒तं धि॑ष्ण्या यु॒वम् ॥ १.०८९.०४  
तमी॑शा॒नं ज॒गत॑स्त॒स्थुष॑स्पतिं धि॒यंजि॒न्वम॑वसे हू॒महे॑ व॒यम् ।  
पू॒षा नो॑ यथा॒ वेद॑सा॒मस॑द्बृ॒धे र॑क्षि॒ता पा॑युरद॒ब्धः स्व॑स्त॒यै ॥ १.०८९.०५  
स्व॑स्ति न॒ इन्द्रो॑ वृ॒द्धश्र॑वाः स्व॒स्ति नः पू॒षा वि॒श्ववे॑दाः ।  
स्व॑स्ति न॒स्ताक्ष्यो॑ अ॒रि॑ष्ट॒नेमिः स्व॑स्ति नो बृ॒हस्प॑तिर्दधातु ॥ १.०८९.०६  
पृ॒षद॑श्वा म॒रुतः॑ पृ॒श्निमा॑तरः शु॒भंया॑वा॒नो वि॒दथे॑षु ज॒ग्मयः॑ ।  
अ॒ग्नि॑जि॒ह्वा म॒नवः॑ सू॒रच॑क्षसो वि॒श्वे नो॑ दे॒वा अ॒वसा॑ ग॒मन्नि॑ह ॥ १.०८९.०७  
भ॒द्रं क॑र्ण॒भिः शृ॑णु॒याम॑ दे॒वा भ॒द्रं प॑श्ये॒माक्ष॑भि॒र्यज॑त्राः ।  
स्थि॑रैरङ्गे॒स्तुष्टु॑वांस॒स्तनू॑भि॒र्व्यशे॑म दे॒वहि॑तं यदायुः ॥ १.०८९.०८  
श॒तमि॑न्नु श॒रदो॑ अ॒न्ति दे॒वा यत्रा॑ नश्च॒क्रा ज॑रसं॒ तनू॑नाम् ।  
पु॒त्रासो॑ यत्र पि॒तरो॑ भ॒वन्ति॑ मा नो॑ म॒ध्या री॑रि॒पता॑युर्ग॒न्तोः ॥ १.०८९.०९  
अ॒दि॒ति॒द्यौर॑दि॒तिर॑न्त॒रि॒क्षम॑दि॒तिर्मा॑ता स पि॒ता स पु॑त्रः ।  
वि॒श्वे दे॒वा अ॑दि॒तिः प॑ञ्च ज॒ना अ॑दि॒तिर्जा॑तम॒दि॒तिर्ज॑नि॒त्वम् ॥ १.०८९.१०  
ॐ शान्तिः॑ शान्तिः॑ शान्तिः॑ ॥

Rigveda Samihita maNDala 1, sUktam 89

Encoded and proofread by Harishh Swaminathan hari.yajurveda at gmail.com

॥ आ नो भद्राः सूक्तम् ॥

---

.. A no bhadraH Suktam ..  
was typeset on August 12, 2016

---

Please send corrections to [sanskrit@cheerful.com](mailto:sanskrit@cheerful.com)

